



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**Ioan. Petri Maffei, Bergomatis, E Societate Iesv,  
Historiarvm Indicarvm Libri XVI.**

**Maffei, Giovanni Pietro**

**Antverpiae, 1605**

Socotora Insvla.

**urn:nbn:de:hbz:466:1-11473**

ni iudicium DEVS illustri testimonio comprobavit. Quod quidem eius nutu factum est, ut qua principis corpus humatum erat, in Crucis figuram terra fatisceret; quæ bis barbarorum opera glebis oppleta, iterum atque iterum in eodem hiatus est resoluta. aiunt etiam per eos dies Crucis ignei coloris visam in cœlo. quibus miraculis commota magna hominum vis ad CHRISTVM accessit, quorum multi Regis immanitate eandem martyrii coronam adepti sunt. In eo numero fuisse alium quoque Regis filium, itemque sororis filium, ad quem regni hæreditas pertinebat, (sororis enim, non Regis ipsius filios succedere in regnis Ceilani mos est) horum igitur uterque ad Christum propensus, Regis imperio mactatus esset, nisi eos præsentis periculo Regis soror maturè exemisset. ambos enim ad se vocatos, recenti adhuc miraculo, interrogat; velint ne fieri Christiani. cum se utique velle dixissent, cum Lusitano transigit mulier eodem ipso, qui demortui principis funus curauerat, et eos quam occultissimè Goam usque perducit, quod ut venerit, fidei præceptis imbuti baptizati que, magnum pietatis ac religionis specimen præbuere. Hos imitatus regis quidam præfectus, & alii decem nobiles viri, vxoribus, liberis, bonis denique omnibus sponte relictis, magno suo incommodo corporisque defatigatione passuum amplius sexcenta millia terrestri itinere emensi, Goam baptismi causa cū venissent, Catechismo instituti, sacroque fonte lustrati sunt. id accidit anno Christi nati 1545.

*Mos Ceilani-  
lanorum*

*Regis e-  
ius sor-  
oris fi-  
lii, cum  
nobilibus  
personis  
baptismo  
lustran-  
tur.*

## SOCOTORA INSVLA.

**S**ocotora est insula in faucibus Mecani freti, duodecimo in septentrionem gradu. distat ab vrbe Goa in Occidentem leucas trecentas & sexaginta: porro quinquaginta colligit ambitus: infelix regio & sterilis ac valde montosa, incolis infrequens, iisque partim Mauris, partim etiam Christianis, qui à Diuo Thoma cognominantur, propterea quod Euangeliū ipse in ea loca primus inuexit. Cōplures Iudaicos ritus ac ceremonias retinent. gallinam aut quamlibet auem manu contingere, nedum gustare, est religio. statos habent ieiuniorum dies, quibus carnem populus abstinet, sacerdotes verò etiam lacte ac butyro, quo maxime cibi genere vescitur vulgus; palmarum succo duntaxat

*Christia-  
ni à D.  
Thoma.  
Socotora-  
norum re-  
ligio ac  
cer. m-  
m.*

ac



COMMENTARIUS.

243

ac pomis eo tempore victitant. Lingua cognitu difficillima, nec vllum habet cum Arabica Æthiopicave commercium. Litterarum vsus apud eos nullus omnino. Maurum habent Regem, siue præfectum, qui ab incolis valde timetur, tamen neminem vi ad Maurica sacra compellat. Ita porro de se magnificè sentiunt, vt nullam aut terram aut vitæ rationem suã vel meliorem vel beatiorem existiment. ad quos è Societate duo, rei Christianæ causa, profecti, sæua statim febris in summa egestate ac solitudine vterque correptus, alter etiam extinctus est.

BAZAINVM VRBS.

**N**ec Bazaini, Societatis Collegium deest, eiusdè Lusitanix Regis beneficentia constitutum. Ibi tñ iuuentute humanioribus litteris excolenda, tum ceteris omnibus ad Christum vocandis præclare admodum opera ponitur. nam & adolescentes quàm egregia sint indole atque ingenio præditi, vel vnus Brachmanis primarii filius declarauit, annos circiter septemdecim natus: qui cum iam litterarum Indicarum duo genera vel tria teneret, Arithmeticæque peritissimus esset suæ: litteras nostras & legere & scribere mensis vnus spatio perdidicit; nunc autem Arithmeticæ nostræ vacabat: idem pietatis ac religionis laude ita præstans, vt reliquos ipse ad virtutem atque officium hortaretur.

TANAA OPPIDVM.

**T**Anaa est oppidum à Bazaino passuum millia sexdecim, vbi etiam Socii aliquot ingentem Christianorū numerum partum ab se tuentur atque augent. Ad eos venit è remota continentis regione senex, annū, vt videbatur, agēs propè octogesimū, ita deformatus & squalidus, adedè torrida cute & strigosa, vt anachoretam referret pellibus camelinis indutū. Is edes Sociorū ingressus, ait velle se fieri Christianum. edisserit illi ex iis quidam pro captu hominis summatim articulos fidei, deinde quærit, oportetne ex animo Christianus esse. Cui senex: Atqui nullo (inquit) aliam ob causam hucusque contendit. Crede igitur, (inquit Socius) sistitque eum ad sacratissimæ virginis, puerum IESVM inter vlnas habentis, imaginē pictā in tabula. quā senex vt vidit, summa animi iucunditate ilico amplecti, puerū Iesū venerabūdus exosculari, tū vehementer petere, vt nulla interposita mora baptizaretur:

*Brachmanis ad  
adolescētis  
ingeniū  
ac pietas.*

*Senex Sa  
annos n  
tus è con-  
tinēte ad  
Socios fi-  
dei cau-  
sa profi-  
ciscitur.*

q 2

atatem